

Weihnachten 2004



„Vom Himmel hoch do komme her“
hann i erlebt, des isch koi Mär.
Ballonfahra am Bodassee,
isch fascht wie Weihnachta so schetz.

Lautlos schwebst, en d'Ronde gucka,
ab ond zu duat's Feuer spucka,
damit die Kugel Auftrieb kriagt,
d'Schwerkraft net an Boda ziagt.

Von oba kann'sch die Menschla scha,
s'gmustert Feld vom Traktormäha.
Sicht alles kloie wie Spielzeug aus:
en Zug, a Auto, dort a Haus.

Wenn mr des ganze reflektiert,
em Weitblick gar philosophiert,
dr Einzelne koasch kaum erkenna,
Gruppa doant scho eher gwenna.

Die Einzelne müast zammasteha,
no kann mr se net überscha.
Des gilt en alle Lebenslaga,
mit g'ballter Kraft die Ziele waga.

Weihnachta isch guat zom bsenna,
amol a bissle Abstand gwenna.
Einsicht, Aussicht – was wird komma?
Isch's Tal durch, dr Berg erklimma?

Für's Neuz Johr Impuls ond Ziel,
Feuer, Gsundheit, Elan rucht viel.
Des wenschet mir von Herza gern,
an Freund ond Partner, nah ond fern.

